

嘉慶辛酉年夏鑄

吳門張路玉先生纂述

張氏醫曲通

醫書通者長洲張君路玉所
撰古之言醫者或論病體或
論藥性或論治法各有所主
又其爲說諸家各殊互相辯
擊雖歷代所稱名家聖手恒

不能一也至於近世不學之
徒恒思著述以眩一時欺後
世醫書愈多醫學愈晦矣君
於是考之古驗之今凡古人
不能相一者皆薈萃折衷之

使讀者犁然有會於中可謂
用心切而爲力勤也君之書
旣行於世十餘年矣歲在乙
酉

天子南巡至吳君家以其書

獻深當

上意尋

命醫院校勘置之

南薰殿君雖沒而書之流布

日遠述國史藝文志者庶列

之名家聖手之間乎昔余先
少保實以醫起家太醫院使
而太傅文恪公始大其門醫
故吾家故業也先少保撰立
命元圭一編兵後遺失序君

之書於是乎有感康熙四十
八年春王正月南書房舊史
官秀水朱彝尊序



醫通序

醫何昉乎古之聖人如神農黃帝首先創制爲功萬世下逮三代秦漢唐宋金元莫不代有名醫照耀紀載周禮一書周公所以治天下者無一事之不備至於醫師特令上士爲之不

輕命人以是知百家技藝皆聖人之
所創立民生之不可一日無者而醫
尤甚其參贊化育之功幾欲中分吾
儒之權蓋本以精於藝而因以達於
德所謂由委而遡源也昔孔子有味
南人之言而嘆醫之不可無恆也夫

此心惺惺常存無時不然無時不恆
矣雖然雷風天下之至變聖人以之
象恆者何故蓋萬古此雷風卽萬古
此恆觀恆者自萬古觀非自一日觀
聖人之久於道也豈其膠固而靡所
變通哉神而化之使民宜之此聖人

之恆也噫知此斯知醫矣丹溪不云
乎古方新病安有能相值者泥是且
殺人余謂醫之有譜猶奕之有譜師
心者廢譜拘方者泥譜其失則均假
令劉張李朱同處一堂之上其論不
能皆合其方不無小異要其有濟於

人則一也家昆路王氏昆之望族故
明廉憲少峯公之孫光祿烈愍公嫡
姪賦性磊落不事章句勵志岐黃遂
擅一時六十年來專心性命之學不
可謂之無恆矣歷年博採古人方論
汰粗存精歛繁歸約不恐獨秘梓而

行之將以教天下者教萬世焉世之
師心者讀是書可以不煩思索而坐
得其標本緩急之理世之拘方者讀
是書且將樂乎其新忘乎其故漸漬
其中而不自覺也豈不爲有功於後
學與昔應劭采典藝以正風俗之非

今家昆體經論以正通俗之異非謂
道在是而通俗可正也言久於其道
而天下化成也醫之道在乎達權通
變變通之象恆顯見於雷風吾故以
是昉之通之之義得無有取於是耶
康熙癸酉端午後三日晉江弟汝瑚

拜書

東拜書

醫通自序

齊一變至於魯魯一變至於道道之興廢
靡不由風俗之變通非達道人不能達權
通變以挽風俗之隳弊也今夫醫道之變
至再至三豈特一而已哉余生萬曆丁巳
於時風俗雖漓古道未泯業是道者各擅